

光緒鹿邑縣志目錄

卷一

圖 疆域 城池 縣署 學宮 書院

卷二

疆域考 沿革 三到 高度

卷三

建置考 城池 圖鄉 官署公廨 壇廟 坊表
鋪舍 雜建附

卷四

川渠考 溝渠隄堰橋梁附

卷五

古蹟考 城郭 臺沼 宮觀 墳墓

卷六上

民賦考一

戶口

田賦

鹽課

雜稅

卷六下

民賦考二

災歉

蠲振

卷七

學校考

書院附

卷八

兵事考

卷九

風俗物產考

卷十上

藝文考一 書目

卷十下

藝文考二 碑文 碑目附

卷十一上

秩官表一 唐 宋 金 元 明

卷十一下

秩官表二 國朝

卷十二上

科貢表一 明

卷十二下

科貢表二 國朝

卷十三

宦績傳

卷十四上

人物傳一

自周至明

卷十四中

人物傳二

國朝

卷十四下

人物傳三

一行

卷十五上

列女傳一

卷十五下

列女傳二

卷十六

雜記

光緒鹿邑縣志卷十五上

列女傳

范書列女篇區明風烈不專一操蓋綜中壘母儀賢明仁
魯貞慎節義諸目而彙紀之此後代方志之準則也許氏
搜討無騫斯義惟表闡貞烈往往一二語而竟而於節婦
尤多紀歲月符律令之文片楮之中詳略相間轉令閱者
增憾疏悅茲瀛魯氏邳州志撫其僂述有耑委者統以時
代詮次它係於後各以類從近所采拾則別爲下篇期於
尋省之易播厥椒蘭貽之閨壺彤管有采亦庶幾其不忽
已作列女傳

明楊桃兒楊德之女也嘉靖元年山東賊王堂流入境內

四散剽掠桃兒年十六易男子妝隨兄世威等避至郢城
猝與賊遇世威與弟世寵俱戰死賊獲桃兒知其女也且
豔其色欲獻諸渠帥促上馬桃兒怒罵曰死賊殺我兄恨
不碎汝萬段膏隨汝行耶卽以頭撞地求死一賊前逼之
桃兒奮起搪拒刺其一目墜地衆賊忿恚亂刀斫之至死
罵不絕口以烈旌

許志引
王志

生員李浩妻閻氏閻孀之女也歸浩未三載浩患瘧癘殯
牀席閻藥必親嘗朝夕焚香祈天浩卒不起閻時年二十
一子僕生才三月餘痛哭絕食飲者數日姑苦諭之不能
死乃盡鬻衣飾殯其夫躬勤紡績殫心事苦勤苦之狀人
所不堪卒年七十六嘉靖十二年即縣志修成後其廬嗣

得旌如例

許志引
王志

李效妻朱氏效病將死朱年二十七無所出獨姑在效與
朱訣曰我死後汝當若何朱曰有死耳效曰吾二人俱死
毋奚倚朱因痛哭誓承夫志效死朱績紡以養及姑歿盡
鬻衣物營葬如禮貧至饔飧不給賴族人振之得以存活
居恆慎出戶庭雖族黨卑幼亦罕覩其面也

許志引
王志

廩生軒冕妻梁氏栢城人進士梁傳之女也冕爲輓之孫
惟明子以弟旻物故哀慟得疾梁侍湯藥朝夕兢惕不遑
膏沐者且一載冕歿梁年二十有八日夜哀號誓死從葬
繼姑王止之遂屏絕華綺蔬素終身姑性嚴梁順令達情
常得其歡日至家祠祈姑壽祈幼子成立繼先志發於至

誠未嘗稍懈及卒邑宰親臨弔焉

許志引
王志

王翱妻羅氏以孝顯聞於里鄰年二十九翱亡舅姑垂老諸孤稚幼一身載揭仰事俯訓未嘗少怠舅姑沒喪葬盡禮苦節逾四十年子堯輔堯佐並成諸生

許志引
王志

生員劉錠妻張氏張俊之女也錠卒無子張年二十五堅節自守勤紡績織紉以養孀姑姑年八十餘坐卧行立扶持惟謹姑嘗語人曰老身若無此婦歸泉下久矣鄉人感歎以爲至孝

許志引
王志

田思賢妻張氏貢生張松女也年十八適思賢未半載而思賢死張誓殉焉姑防之嚴迨六月家人盡之田張乃自縊有烏鵲數百飛繞其室曉曉鳴噪家人驚異急歸視之

已氣絕矣

許志引
王志

軒春節御史軒輓之女孫也許字給事王堯日之予自新
未嫁而自新死春節間訃毀妝痛哭水漿不入口父母勸
之春節日容我往弔乃飲食許之及至以頭搶柩下哀奠
而歸乘間衣舅姑家衣袖聘釵登樓自縊死以烈旌

采歸
德志

王氏女年十七未字值嘉靖三年大疫父母兄嫂相繼逝
兄遣一孤甫三歲女竭力營葬畢拊膺大痛曰王氏門祚
係此弱息此後煢煢奚賴矣遂矢志不嫁撫育之至於成
立卒年六十時號之曰義姑

許志引
陳志

夏姐夏進儒之女也年十四值土寇袁老山之亂隨母朱
避閣上賊夙稔其美索之女謝其母從客自縊而死

許
志

生員馮際昌妻孫氏崇禎十七年流寇入境際昌村居被執不屈死孫年二十五聞之引刃欲自盡舅姑泣止之曰汝從夫死良義然不念吾二人與呱呱弱息乎孫歔歔大慟親赴夫死所收體骨歸倉皇無以殯合樓板厝之殫心事畜守節四十九年而歿

許志

庠生顧崇霄妻孫氏歸崇霄一載崇霄病歿孫年十八伏棺痛哭絕不食飲翁姑親戚百方勸慰之卒不解防稍怠遂縊死邑令夏寶文學程雲等率諸生親臨弔焉以烈旌

許志引
王志

李允中妻張氏生員張汝梅之女也允中病故張曰吾嫂趙氏以從死顯我乃不能他日何顏相見於地下矣遂縊

死時年二十三以烈旌

許志

趙某妻楊氏，主寨農家婦也。有子煥然，崇禎末縣境土寇
蠭起，族人趙珍尤橫，縣尉馬夢熊引疾去官。道經寨中，珍
故與有隙，糾黨逞虐。楊戒煥然曰：「珍肆逆，汝勿從也。」戴履
天地，豈可蔑王法？叛乃。父母絕滅，門戶後禍。匪輕汝違，吾
言吾不苟生矣。煥然不聽。楊遂自經以死。珍戕夢熊，擄其
幼女，欲汙之。女大罵曰：「死則死耳，豈從汝賊？」亦爲珍所殺。
邑人梁遂紀其事，且爲贊曰：「天喪濁世，流兇延歎如罟。亂
沼靡鱗，弗觸趨死若飴。寥寥芳躅，冰潔非鏤。鵠白不浴風
疾，草勁表正顏俗。日月麗天，光壓炬燭。」

采梁遂義婦
烈女傳修

國朝張坦妻劉氏，幼慧喜讀書，嫻於詞翰。適坦後孝事翁

姑佐坦治家捆紬有法時值寇亂流離轉徙歸而復業人咸稱劉善相其夫也所爲詩甚多垂歿索稿本持語諸子曰婦人之分專司中饋內言不出此未可以示人留之何爲乎言畢投諸火孫淑急掇之已強半灰燼今所存拾燼集吉光片羽而已

許志

韓必春妻羅氏年二十三夫亡舅姑並衰耄遺孤煇才三歲又生遺腹子燠其時羣盜縱橫饑饉無依羅掇菽采薪艱苦備歷而卒能養生送死并教二子先後成諸生卒年

八十有七

許志引
呂志

邢大姐山西絳州人隨父起太流寓馬邱鋪鄰人完月生闕其父母俱出欲犯以非禮女堅拒月生扼其項死之時

年才十六也康熙二十八年旌

許志

李三姐孤柳樹人也父麒生無子有女四女第三麒生與族人礎有隙被戕於途衆畏礎衆強莫敢誰何女痛甚礮刃將襲讐已而曰不可父橫死又將死其女乎乃訟諸官三年不得直則匍匐至都下擊登聞鼓事下巡撫礎與其子兆龍俱伏法三姐雖復父仇而鬱悒恆不自聊素服毀容晝夜號泣鄉人義之爲議姻者日至三姐曰老母在吾終不字矣營大父母及父葬畢爲父立嗣子嫁其女弟及母歿遂自經時年三十有四矣邑人胡處鈞私謚之曰孝烈乾隆三年學使者以事上聞有詔旌其墓

許志

張珏妻竇氏柘城檢討竇克勤女也珏官宜陽教諭歿於

旅邸竇孝事舅姑曲成夫志舅姑有疾輒顙天請以身代再遭喪營葬如禮春秋祭掃必誠必恪詣墓盡哀數十年如一日也撫嗣子兆立恩義備至長就外傳歸必加以策勵篤厚族黨凡婚葬力不能舉者必資助之振卹貧困情誼尤摯守節五十一年雍正十年旌許志

賈二姐者張氏之婢也配僕子王林主歿家無餘財孤寡不能自存林欲攜二姐遁二姐戀舊恩不可林自逸去三姐爲主母策生計寘驢磨躬親之晨坐閭閻閒羅列麪盎待售而紡紉於其側日蚤食度主母起則市炊餅歸供饗餐午牧驢郭外拾薪刈芻寘驢背上牽之而返晚復入磨室至夜分始輟業如是者四十年雖遇凶荒主母甘旨未

嘗少缺也主母歿喪殯皆賴二姐以辦事主母婦如主母
又有年年八十餘無疾而逝林遁未久卽死於外方得凶
問時二姐有一姑諷以改適二姐終身與此姑絕嘻亦賢
矣哉

許志

貢生王攜妻周氏攜好善周與協趣攜歿後逢歲饑周命
子儀減價糶穀以濟貧民親黨有求無或靳者煮茶製藥
歲施有常嘗出巨資勸修橋梁鄉人尤德之

許志

監生吳洙妻閻氏早寡事翁姑惟謹翁暮年病癰醫診之
窮於術謬謂須食人肉乃瘳閻聞急割股以進翁果愈人
以爲至孝所感

許志

羅謙妻閻氏謙操細業早卒閻年二十遺孤酉才五月仰

事俯畜晝夜紡績十指盡裂姑出易薪米則堅閉戶必聞姑聲始開孤稍長嬉戲門外鄰或餌以食物必令還諸其人兩餐時或不給先以供姑次以食子往往枵腹逾日不令姑知也謙始歿數歲姑感婦孝且憫其勤苦諷以它適閭大驚曰是必吾奉養弗至怫姑意矣因入室斷髮立盡出示姑姑婦相持痛哭乾隆十一年姑歿閭鬻居廬營葬如禮孤成立力農傭作閭竟以苦節終

許志

閭鑑妾呂氏事姑以孝聞夫亡撫嫡子宗立教以義方宗立嘗途拾遺金歸以告呂命立門外俟之俄有賈家灘朱賓者踉蹌至自言失金呂詢其數符令宗立還之賓願析其半以謝呂止宗立勿受事在乾隆四年

許志